



# Samningur um aðstöðu

fyrir búnað til dreifingar útsendingum útvarps í Óshlíðargögum

## 1. Aðilar samnings

Samningur þessi er gerður á milli Leiðar ehf., kt. 641201-2270, Engjavegi 29, Ísafirði og Vegagerðarinnar kt. 680269-2899, Dagverðardal, Ísafirði.

## 2. Gildissvið samnings

- 2.1 Leið ehf. lætur setja upp, greiðir fyrir og kemur í rekstur búnaði til útvarpsútsendinga á FM bylgjulengd sem nái með fullnægjandi hætti um öll göngin. Verði þetta samkvæmt teikningum og verklýsingum Verkfræðistofunnar Eflu hf., dags. 10.04.2017, með síðari viðbótum og breytingum. Áður en uppsetning búnaðarins hefst skal Leið ehf. leggja fram teikningar um endanlegt fyrirkomulag búnaðarins til Vegagerðarinnar til samþykktar. Mögulegt skal vera að tengja aðrar útvarpsstöðvar en þær sem nást í upphafi inn á búnaðinn síðar. Mögulegt skal vera að tengjast búnaðinum með innátal sem heyrist á öllum rásum um síma frá stjórnstöð Vegagerðarinnar eða öðrum viðbúnaðaraðilum.
- 2.2. Vegagerðin leggur til aðstöðu og lagnaleiðir ásamt rafmagni fyrir búnaðinn. Ennfremur leggur Vegagerðin til eða heimilar notkun eftirfarandi búnaðar og rýmis í gögunum:
- Leyfi til að nota lofnetsstreng sem liggur eftir endilöngu lofti ganganna og leggja hann inn í tæknirými D og J og tengjast honum þar.
  - Rými í tæknirýmum D, J og L fyrir endurvarpa og móttölubúnað.
  - Aðgang að rafmagni í tæknirýmum D, J og L án endurgjalds.
  - Ljósleiðara, tvo þræði, sem tengir tæknirýmin saman.
- 2.3 Eftir þriggja mánaða hnökralausan rekstur Leiðar ehf á endurvarpskerfinu, þar sem gæði útsendingar sé í samræmi við áætlanir tekur vegaerðin við rekstrinum og þar með viðhaldi kerfisins og þarf Leið ehf. þá ekki að fylgjast með honum framar, frekar en óskað er.

## 3. Gjöld

Vegagerðin krefst engra gjalda frá Leið ehf. fyrir aðstöðu.

Leið ehf. krefst engra gjalda fyrir að útvega og koma búnaðinum í rekstur og ekki heldur mögulegt hagræði eða notkun Vegagerðarinnar, t.d fyrir mögulegt innátal.

## 4. Samningstími og uppsögn

Upphaf samningstíma er 5. desember 2017. Leið ehf. skal reka kerfið í a.m.k. 3 mánuði eftir að það er komið í gagnið. Eftir það taki Vegagerðin við rekstri kerfisins, beri á því ábyrgð og annist á því allt viðhald og endurbætur.

Samningurinn er ótímbundinn og óuppségjanlegur fyrstu 2 árin, eftir það framlengist samningurinn sjálfkrafa um 2 ár í senn verði honum ekki sagt upp með a.m.k. sex mánaða fyrirvara áður en gildandi 2 ára tímabili lýkur. Uppsögn skal vera skrifleg.

Hvor aðili um sig getur óskað eftir endurskoðun á samningi, t.d. vegna tæknibreytinga eða annarra aðstæðna. Breytingar á samningnum skulu vera skriflegar.

Samningur þessi fellur úr gildi ef frankvæmdir hefjast ekki innan eins árs frá undirritun samnings / upphaf samningstíma.

## 5. Ábyrgð og ábyrgðartakmarkanir

Eftir að Vegagerðin tekur við rekstrinum ber hún ábyrgð á honum og tjóni sem rekja má til rofs á sendingum, eða truflana sem kunna að stafa af bilunum eða truflunum í rekstri kerfisins, enda sé gert við bilanir svo fljótt sem verða má.

Bótaskylda aðila takamarkast við beint tjón sem gagnaðili eða þriðji aðili hefur orðið fyrir og gera má ráð fyrir að sé afleiðing af bótaskyldum atburði. Bótaábyrgð nær ekki til óbeins tjóns þriðja aðila eða gagnaðila.

Verði búnaður vegna útvarpssendinga fyrir vegna vinnu Vegagerðarinnar við viðhald eða breytingar í göngunum skal Vegagerðin bera ábyrgð á kostnaði við að fjarlægja eða færa búnaðinn e.t.v. tímabundið og bera kostnað eins og um búnað Vegagerðarinnar væri að ræða

## 6. Vanefndir

Telji annar samningsaðili að gagnaðili hafi vanefnt samninginn ber honum að tilkynna það skriflega strax, eftir að honum varð eða mátti vera kunnugt um vanefndina

## 7. Lögsaga og lausn ágreiningsmála

Mál er kunna að rísa vegna samningsins skal reka fyrir Héraðsdómi Vestfjarða.

Samningur þessi er gerður í tvíriti, eitt eintak handa hvorum aðila

Ísafirði S. desember 2017  
F.h. Leiðar ehf.  
Jónas Guðmundsson

F.h Vegagerðarinnar  
Gísli Eiríksson

Vottar að réttri undirskrift og dagsetningu.

Jónas Guðmundsson 23/11/65 219  
Nafn og kt.  
Gísli Eiríksson 090264 4949.  
Nafn og kt.